

70
de
Fr. Alfonsi A Castro,
ZAMORENSIS, ORDINI
MINORVM, REGVLARIS
Observantiæ Prouinciæ sancti Iacobi:
De iusta Hæreticorum punitione
Libri tres.

Opus hoc nunc postremo ab Authore recognitum, & multis in locis auctum & locupletatum.



ANTVERPIÆ
In ædibus Viduæ & Hæredum Ioan. Stelfii.
M. D. LXVIII.
Cum Priuilegio Regio.



Inuictissimo, atq; Chri-

STIANISSIMO CAROLO HVIVS NO-
minis quinto Cæsari semper augusto, Hispaniarum Re-
gi Catholico eiusdem nominis primo, Frazer Alfonso
à Castro, Zamorensis, ordinis Minorum æternam
optat felicitàtem, perpetuamq; de
hostibus victoriam.



VM mecum ipse cogito, Christianis-
sime Cæsar, & ad hoc miserabile secu-
lam mentem, atq; animum refero, non
possum non ingemiscere, & à gemitu
cordis rugire, videns tot, talesq; hæreti-
cos hoc seculo prodisse, qui plurimum
negotii viris doctis, atq; ad eò toti Ec-
clesiæ successunt, vt nunquam tam multos, aut tam truca-
lentos Ecclesiæ perpeffa fuerit hostes. Tanta enim est
istorum nocendi cupiditas, vt nihil sit à summo vsq; de-
orsum, cui detrahere non conentur. Neq; enim Deo, nec
Virgini eius matri, nec Apostolis, aut Euangelistis, nec
reliquis sanctis, nec toti deniq; militanti Ecclesiæ, quæ
Christi est vnica sponsa, parcere volunt. sed contra eorū
quos impudenti temeritate oblatrant, & dente canino
illum mordere nituntur. Hoc autē non leui animo, aut
negligenti, & ignauo sunt facere aggressi. sed tanquam
rabidi, & famelici canes omnia tentarunt, nullumq; nō
mouerunt lapidem, vt quod mente conceperant scelus,
opere perpetrarent. Vix enim vltimum est tam turpe, aut
execrandum, aut pestiferum, abominabileq; dogma ab
antiquis hæreticis probatum, quod, & si longissima obli-
uione sepultum, isti hæretici non sint suscitare conati, si
inde telum aliquod se capturos sperarunt, quo Ecclesiæ
Catholicæ, aut summo illius præfidi vtcunq; incommo-
dare possent. Primarum Petri negant, omnibus Christia-
nis sacerdotia sine discrimine tribuunt. Sacerdotes oēs
pares Episcopis faciunt. Antiquas omnes Ecclesiæ cere-
monias ab ipsis Apostolis traditas, & ad hoc vsq; seculū
seruatas tollunt: & nouas quasdam ab illis excogitatas

Fr. Alfonsi A Castro

SAMORENSIS, ORDINIS MINORVM

De Observantia, in tres Libros, quos de iusta

Hæreticorum punitione ædificavit

PRÆFATIO.



ARTIÆ, sunt & ex diametro pugnantes de Hæreticorū Punitione ab aliquibus datæ censuræ, quibus & si extremæ illæ sint & longissimè ab æquitate recedentes, Patrovi tamen non desunt, qui nunc illarum vltro suscipiant tutelam, & illis pettinacissimè fauere conentur. Sunt enim aliqui multum de Pharisæorum supercilio habentes, ad eò morosi & intractabiles, vt hæreticos omnes irreconciliabili odio, & sine vlla punitionis lenitate persequendos esse censeant. Cum aliquem in hæresim lapsū esse ceperint mirum in modum lætantur, sicut exultant victores capta præda quando diuidunt spolia, & ilico impotenti quodam furore agitati, mille in illum coniciunt conuitia mille illi in faciem dicunt contumelias, & tandem citissimè illum igni tradendum esse decernūt. Hoc enim hæreticorum odio quasi quodam certissimo, & indubitato Symbolo se fidei Catholicæ ardentissimos zelatores, propugnatoresq; constantissimos aliis ostendere conantur: tanquam si fides Christiana secum necessario cōnexum haberet furorem, & omnem prorsus à se reiiceret mansuetudinem, & correctionis lenitatem. Vt tamen hos, qui non vsquequaq; à vera iustitiæ regula aberrant, aliqua ex parte consolari possim, fateor quidem illos zelum fidei Catholicæ habere: veruntamen non secundum scientiam illum moderantur, atq; temperant. Quia volentes iustitiam suam statuere, iustitiæ Dei obliuiscuntur. Nam iustitia Dei, quam Paulus docet, est vt cum modestia corripiantur ii, qui resistunt veritati, nequando det illis Deus penitentiam ad cognoscendum veritatem, & resipiscant à diaboli laqueis, à quo captiui tenentur ad ipsius voluntatem. Bonum quidem rectorem decet, vt ex sua infirmitate aliorum infirmitates pensans, magis per humilitatis, & mansuetudinis lenimentum studeat erran-

2. Tim. 3.